



Kroon van Wonders: 'n Musikale uitnodiging tot geloof en verwondering

Om *Blitspos* te ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Musiek was van die begin van die kerk se bestaan een van die kragtigste maniere vir gelowiges om uitdrukking te gee aan hul geloof in die lewende God. Ons sien van die bekendste gestaltes daarvan reeds in die Psalms in die Ou Testament en ook van die Christelike liedere in die Nuwe Testament.

Maar tog is dit belangrik dat elke nuwe generasie opnuut weer aan hul geloof moet uitdrukking gee – ook in musiek. Wanneer so iets binne 'n mens se eie geloofstradisie en kerkverband gebeur, is dit net nog soveel meer spesiaal!

En dis presies wat gebeur het met die komponis en dirigent, Franco Prinsloo, wat pas sy nuwe oratorium, *Kroon van Wonders* voltooi het. Franco is 'n gebore Hervormer van Middelburg en is tans lidmaat van Gemeente Pretoria-Oos.

Kroon van Wonders is die voltooiing van 'n agtjaarlange musikale reis wat begin het met *Kruis van Liefde* (2018-2020), waarin die lyding en kruisiging van Christus besing is, gevolg deur *Lig van Waarheid* (2020-2022), wat die geboorte van Christus gevier het. Laasgenoemde werk is saam met die Kaapstadse Filharmoniese Orkes uitgevoer en opgeneem. Nou, in die finale beweging van hierdie trilogie, word luisteraars uitgenooi om stil te word by die wonderdade van die opstanding: die brose oomblikke van ongeloof, verwondering en vergifnis en dan ook die Hemelvaart.

Die teks vir *Kroon van Wonders* is saamgestel uit die Evangelies se opstandings- en hemelvaartverhale. Daarby is gebruik gemaak van gedigte van prof Hans du Plessis, asook nuwe toonsettings van ou en soms vergete geliefde Afrikaanse koraaltekste deur Totius. Hierdie bydraes bring 'n diep liturgiese egtheid en emosionele rykdom aan die werk, en plaas die Afrikaanse geloofstradisie op 'n besondere wyse binne die veld van klassieke kerkmusiek.

Die eerste uitvoering van hierdie derde oratorium vind 29 Mei en 1 Junie by NG Universiteitsoord plaas en luisteraars sal nou vir die eerste maal die geleentheid hê om hierdie spesiale geloofsoomblikke te kom vier en te beleef. Die uitvoering word aangebied deur die bekroonde Vox Chamber Choir van Pretoria, onder leiding van Franco Prinsloo, saam met 'n indrukwekkende ensemble van 26 strykers, vier koperblasers, 'n enkele fagot, orrel en perkussie.

Prinsloo het die musiek geskryf gedurende 'n sabbatsverlof in Wene – 'n tyd van stilte en verdieping waarin hy kon terugkeer na die kern van sy geloof en roeping. Dit is vir hom besonder betekenisvol dat die finale beweging op Paassondag voltooi is – 'n simboliese afsluiting van 'n reis wat in geloof begin het. *Met groot dankbaarheid kyk ek terug na hierdie pad waarop ek, as komponis, hierdie kosbare verhaal deur musiek kon vertel.*

Franco beskryf sy gebed vir hierdie oratorium soos volg: *Ek hoop dat hierdie musiek 'n ruimte van verwondering, vrede en geloof in elke hart sal oopmaak.*

As deel van die geleentheid sal 'n beperkte kunstriptiek, geïnspireer deur die werk van die 16de-eeuse Franse kunstenaar Claude Mellan, onthul word – spesiaal geskep vir *Kroon van Wonders*.

Wat 'n voorreg dat so 'n musikale kragtoer vanuit die NHKA kan spruit en die boodskap dat Jesus lewe en regeer die wêreld ingestuur kan word! Verdere inligting oor die uitvoerings van *Kroon van wonders* is elders in *Blitspos* beskikbaar.

**Ds Hannes van der Merwe en mnr Franco Prinsloo
(Pretoria-Oos)**

Lief en leed



Ds Jan Prinsloo

- **Mnr Kobus Viljoen** (vroeeër administrateur van die NHKA) het 'n operasie ondergaan waartydens sy knieprostese vervang is. Volgens sy eggenoot, mev Gonda Viljoen, was die operasie 'n sukses. Ons dink aan hom en bid vir 'n volledige en spoedige herstel.
- Die Kerk het met leedwese kennis geneem van die afsterwe van **ds JH (Jan) Prinsloo**. Ons opregte meegevoel met die familie van ds Jan. Dit sluit sy eggenote, mev Bets Prinsloo in, asook sy dogter, mev Karin Steenekamp (NHSV visevoorsitter: Hoofbestuur) en kleindogter, ds Liza Jansen (Witbank-Suid).
- **Die volgende predikante verjaar tot 9 Mei 2025, en word hartlik geluk gewens:**
 - Donderdag 1 Mei: Ds NM (Nick) Alberts (61) (emeritus)
 - Vrydag 2 Mei: Ds HJ (Henk) Labuschagne (35) (Silverton)
 - Sondag 4 Mei: Ds PJ (Pierre) Roets (53) (Springs-Oos)
 - Maandag 5 Mei: Drr JP (Johan) Bester (62) (Randfontein Midpark), H (Hein) Delport (47) (Swartkop/dosent), en EB (Ernest) Marran (64) (Losberg)
 - Vrydag 9 Mei: Ds L (Leon) Geel (63) (Grimbeekpark)

Gemeentes en bediening

- Neem asseblief kennis dat die **Boekwinkel** gesluit sal wees van 29 April tot 2 Mei.
- **Gemeente Losberg** in Fochville is op 16 Mei 'n volle **100 jaar** oud. Die feesvieringe begin Sondag **18 Mei** met 'n **lofsangdiens** en word op die naweek van **30 Mei tot 1 Junie** voortgesit waartydens ons afskop met ons **100 jaar van genade-basaar**. Die basaar begin Vrydag 30 Mei om 09:00 tot 18:00 en gaan Saterdag 31 Mei van 08:00 tot 13:00 voort. Sondag **1 Junie** vier ons **nagmaal** om 09:30 waartydens groetboodskappe en gelukwense oorgedra sal word. Ná afloop van die diens, sluit ons af met 'n ete en geleentheid om heerlik saam te kuier. Indien u (oud-predikante, oud-gemeentelede en belangstellendes) die geleentheid op Sondag 1 Junie 2025 wil bywoon, moet u asseblief **voor 14 Mei** vir **dr EB Marran** (082 444 1089) of **Sannietjie Boshoff** (072 361 2359) kontak.
- **Kroon van Wonders – 'n Pinksteroratorium** vind op **29 Mei en 1 Junie** by **NG Universiteitsoord** plaas. Die teks vir *Kroon van Wonders* is saamgestel uit die Evangelies se opstandings- en hemelvaartverhale. Die uitvoering word aangebied deur die bekroonde Vox Chamber Choir van Pretoria, onder leiding van Franco Prinsloo, saam met 'n indrukwekkende ensemble van 26 strykers, vier koperblasers, 'n enkele fagot, orrel en perkussie. Kyk gerus [hier](#) na 'n onderhoud met Franco Prinsloo oor die oratorium. Meer inligting en besprekings is [hier](#) beskikbaar.
- U word hartlik uitgenooi na **die emiritaatsgeleentheid van ds Willem Breytenbach** (Hazyviev/Sabie/Witrivier) op Sondag **8 Junie** om 10:00 by Gemeente Witrivier. Daar is 'n ete na die diens. Kontak asseblief vir Henriette (079 492 4317) voor 30 Mei indien u dit wil bywoon.
- **Gemeente Centurion-Oos se 60ste bestaansjaar** (30 Junie) word met groot dankbaarheid en vreugde op **7 en 8 Junie** gevier.
 - Saterdag 7 Junie
08:00: **Pretstap** (Ons parkeer by die kerk en word per bus vervoer na die roete en terug).
08:00-13:00: **Feesmark** by die kerk. Heerlike eetgoed, uitstallers van verskeie produkte, geskenke en vermaak vir die jongspan.
14:00-19:00: **Spitbraaikuier** vir die hele gesin. Kontak gerus vir Maryna by die kantoor om kaartjies te koop (012 664 2044 / 082 782 7102).

- Sondag 8 Junie
09:00: **Feesdiens** en nagmaal wat afgesluit word met koffie/tee en 'n eetdingetjie na die diens. Bevestig asseblief per e-pos (kantoor@nhkcenturionos.co.za) indien u graag die geleentheid op Sondag 8 Junie wil bywoon.
- Met groot dankbaarheid en vreugde vier die **Gemeente Parys in 2025 haar 100ste bestaansjaar**. Dit is vir ons 'n besondere mylpaal en 'n geleentheid om die Here se seën oor die afgelope eeu te herdenk. Op **Saterdag 14 Junie** vind 'n **spesiale funksie vanaf 15:00** plaas waartydens ons 'n gedenksteen sal lê. Alle lidmate, vorige lidmate en predikante word vriendelik uitgenooi om hierdie geleentheid by te woon. 'n Feeserediens word op **Sondag 15 Junie om 09:00** gehou waartydens 'n nagmaalsviering en 'n gemeente-ete sal plaasvind. **RSVP** voor of op **14 Mei** by 056 811 5026 of parys@nhk.co.za.

Die feeskomitee sal dit opreg waardeur indien daar enige foto's beskikbaar is soos:

- Doopfoto's.
- Troufoto's.
- Foto's van voorstelling en bevestiging van katkisanter.
- Enige ander foto's wat betrekking het tot die feesviering.

Verskaf asseblief 'n kort beskrywing by elke foto asook datum indien moontlik. Stuur asseblief aan na parys@nhk.co.za.

Vergaderings

- Dinsdag 6 Mei Ouderlinge Ontwikkeling
Kuratorium
- Vrydag 9 Mei Moderamen

Ringsvergaderings

- Die volgende ringsvergaderings moet nog plaasvind:

RING	VERGADERPLEK	DATUM
CHRISSIESMEER	Chrissiesmeer	10 Mei
HOËVELD	Nigel	17 Mei
KLERKSDORP	Klerksdorp	18 Mei
KROKODILRIVIER	Hartebeestpoort	12 Mei
KRUGERSDORP	Krugersdorp-Noord	10 Mei
LOSBERG	Sionspoort	10 Mei
MIDDELBURG	Roosenekal	24 Mei
NOORDELIKE BOSVELD	Naboomspruit	7 Mei
OOS-RAND	Alberton	25 Mei
PRETORIA-WES	Centurion-Oos	18 Mei
ROODEPOORT	Kruin	17 Mei
RUSTENBURG	Rustenburg-Tuine	1 Junie
SWELLENDAM	Outeniqua	10 Mei
VEREENIGING	Vanderbijlpark	3 Mei
WES-KAAPLAND	Strand	10 Mei

- **Die Ring van Dorsland** se ringsvergadering het 11 en 12 April plaasgevind. Gemeente Gobabis was die setel van hierdie jaar se ringsvergadering van die Ring van Dorsland waar 24 afgevaardigdes van agt gemeentes bymekaar gekom het om te besin oor die funksionering en bediening van die gemeentes in die ring.



Die vergadering is geopen deur die diensdoende predikant van Gemeente Gobabis, ds Bouwer Serfontein waarna ds Daniel Steinmann 'n kritiese evaluasie van die preek gelei het. Die ander aanwesige ringspredikante was di Barrie Oberholzer (voorsitter), Willem Dykema (skriba), Milankie van der Walt en Leon van Rensburg.

Nadat die vergadering wettig saamgestel en konstitueer is, is daar oorgegaan tot die verkiesing van 'n nuwe ringskommissie wat die pligte en verantwoordelikhede van die ring sal dra vir die volgende jaar.

Die notule van die vorige vergadering is voorgehou en aanvaar gevolg deur groetboodskappe deur dr Christa Botha van die Gereformeerde Gemeente in Gobabis, Dirk Louw van die NGK, Schalk Botha van die Namibiese Bybelgenootskap, oudl Faan Beeslaar van die Algemene Kommissie en ds Gerhard Stolz van die Kommissie van die Algemene Diakensvergadering.

Die begrotings en bedieningsplanne van elke gemeente is om die beurt bespreek met die uitsondering van die Gemeente Namib-Suid waar bediening moeilik geword het as gevolg van die klein aantal lidmate wat oorgebly het.

Van die ernstiger punte wat tot diepgaande gesprek, en soms meningsverskille, gelei het, was die rol en relevansie van die NHSV, die unieke situasie in Namibië rakende pensioen- en mediese fondsbydraes, die noodsaaklikheid vir alle Namibiese gemeentes om sogenaamde FIMA-registrasie te doen by die Financial Intelligence Centre, en die voortgesette rol van plaaslike leraars om huwelike te mag bevestig.

Die vergadering het Saterdag rondom middagete verdaag. Dit is soms moeilik om die besondere uitdagings in Namibië te verstaan maar afstande is een daarvan. Sommige van die leraars moes tot 600 km ry om die volgende dag weer aan diens in hul tuisgemeentes te wees.

Kerklike en ander publikasies



R250

GESKIEDENIS VAN DIE HERVORMDE KERK
1824-2024

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Besikbaar by mev Sarie Roux by boekwinkel@nhk.co.za

'n Gedig

Blydskap

Dis so helder en so herfs
dat al my gisters hier is vandag.
'n Koperbasuin het my gestorwenes gewek:
geliefde papies wat die donkerte verwy
om nuut die aarde te beërf met vlinderslag.
Dae is om, eeue is verby:
daar's niks waarop ek wag –
alles is sigbaar en sonant.
Van horison tot horison
tril die diepgestemde tortels
'n boog van hul soprano note.
Dronk van oorhoofse vreugde,
van te ver sien begoël,
soek ek iets naders vir my oog:
Dié plaat doodgewone duiwe
onder die boom van lig,
leiklipblou en pers en pienk
maar met die bovierke effentjies geroes
– perfek vir die seisoen –
na hulle sal ek kyk;
nie heldersiene,
net 'n verrukte mens wat weet:
geen vere maak vandag 'n mooier voël.

Lina Spies

Uit: *Hiernamaals*, 1992

Fondsinsamelings

- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekureit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.

SP Engelbrecht-museum

- Jy en jou metgesel/gesin word hartlik uitgenooi na die **piekniekdag** by die SP Engelbrecht-museum wat op **24 Mei om 16:00** begin. Die hoogtepunt is die **storie- en musiekvertoning**, DIE-anner-LEWE, aangebied deur Spookstorie Produksies, wat om 18:00 afskop. Bevestig jou bywoning deur 'n e-pos, met jou kontakbesonderhede, te stuur aan: inligting@spookstories.co.za.

Toerusting

- Die **Werkgemeenskap Historiese Teologie (SA)** se **konferensie** vind op **12 tot 13 Augustus** by Gemeente Pretoria-Oos plaas. Hierdie jaar word Nicea 1700 gevier. Dit is belangrik dat kerke en akademici hierdie belangrike gebeure herdenk. Daarom word die bogenoemde konferensie beplan met die tema **Skrif-Belydenis-Liturgie - Nadenke oor die Belydenis van Nicea**.

Die Werkgemeenskap Historiese Teologie (SA) in samewerking met die Departement Sistematiese en Historiese Teologie van die Universiteit van Pretoria nooi u uit om 'n voorstel in te dien vir 'n **akademiese bydrae** tydens die konferensie. Sprekers sluit in akademici van verskillende toonaangewende universiteite.

Tydlyn

- 31 Mei 2025: Abstrak word ingedien
- 12 Julie 2025: Finale program word uitgestuur
- Konferensie: 12 tot 13 Augustus 2025.

Meer inligting oor die konferensie sal nader aan die tyd in *Blitspos* gepubliseer word. Vir enige verdere navrae kontak gerus die volgende persone: prof WA Dreyer (wimdreyer@nhk.co.za) of dr Antionette Janse van Rensburg (antoejvr@gmail.com).

Barmhartigheid

- **Ons Tuis Andries Marié Oosthuizen** in Parys nooi alle gholfspelers uit na hul **Gholfdag op Vrydag 9 Mei** te Parys Golf & Country Estate. Elke 4-bal kan inskryf vir R2 400 met goeie pryse en 'n gelukkige trekking deur die dag. Vir besprekings en borgskappe, skakel asseblief vir Lizette 056 818 1567, Jan 082 421 1122 of Belia 084 580 6104.
- **TOIBO vra ons hulp:** Die winter kruip vinnig nader en ons weet met groot bekommernis dat **855 kinders met warm klere gehelp sal moet word** sodat hulle met warm lyfies kan skoolgaan. Ons weet tog almal dat geen kind bibberend van die koue kan konsentreer op skoolwerk nie. Kontak asseblief vir TOIBO (076 143 6961 of info@toibo.org.za) indien u kan help.
- Die volgende **NHSV-streekbyeenkomste** moet nog plaasvind:

DATUM	STREEK	GEMEENTE
9 & 10 Mei	Dorsland	Windhoek
17 Mei	Noord-Kaap	Vryburg
24 Mei	Noordelike Pretoria	Rietvallei
24 Mei	Pretoria	Rietvallei
31 Mei	Wes-Kaap	Worcester
28 Junie	Noordwes	Klerksdorp
2 Augustus	Bloemfontein	Goudveld
2 Augustus	Oos-Rand	Springs-Oos
16 Augustus	Oos-Transvaal	Lydenburg
16 Augustus	Rustenburg	Schoemansdal
23 Augustus	Hoëveld	Secunda
23 Augustus	Wes-Rand	Weltevreden
20 September	Noord-Transvaal	Welgelegen
27 September	Vaalrivier	Deo Volente
11 Oktober	Natal	Glencoe
Sal aangekondig word	Oos-Kaap	Port Elizabeth

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.

- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
 - **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - Eenslaapkamer: R515 000
 - 1½-slaapkamer: R520 000
 - Tweeslaapkamer: R560 000
- Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.
- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
 - **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
 - **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, moet dit **15,5 cm breed x 6,5 cm hoog wees, resolusie 1878 x 815 pixels, 150-300 dpi.**

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + Blitspos. Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Here, dankie dat ek nie in vrees vir die
toekoms hoef te lewe nie.
U Woord sê hulle wat in U glo,
sal stewig staan,
en ons hoef nie in vrees te lewe dat ons
slegte nuus gaan kry nie.
Dankie, dat U by my is en vir my vrede,
leiding en vreugde gee –
selfs gedurende moeilike tye.
Ek weet my toekoms word bepaal deur dit
wat ek vandag doen.
Help my om elke dag in u weë te wandel
en my toekoms in ag te neem met elke
besluit wat ek neem.
Help my onthou om nie planne te maak
voor ek met U gepraat
en gewag het vir U en u leiding nie.
Gee vir my vrede oor my toekoms,
want dit is te vind in U.

Ek bid dit in Jesus se naam.

Amen.

*Uit: Die krag van Gebed wanneer jy
Vrees, Stormie Omartian, 2018.*